



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

**Luxemburgi, 1740**

LXXVIII. De unione Congregat. Doctrinæ Christianæ Regni Neapolis, cum  
Avenionensi.

---

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)



Chirographis, & rescriptis, sub quibuscumque verborum tenoribus, & formis, & cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis in contrarium præmissorum editis, seu factis, concessis, confirmatis, & pluries innovatis. Quibus omnibus, & singulis etiam pro illorum sufficienti derogatione, de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permansuris ad præmissorum effectum hac vice duntaxat specialiter, & expresse derogamus, cæterisque contrariis quibuscumque.

Datum Romæ apud S. M. Majorem sub Anulo Piscatoris die XXVIII. Sept. MDCCXXV. Pontificatus Nostri Anno Secundo.

LXXVIII. Uniter Congregatio Doctrinæ Christianæ Regni Neapolis alteri Avenionensi cum quibusdam ordinationibus, & concessionibus.

*Alia hujus Const. ed. 1724. Nov. 24. P. 1. reservata fuit Romano Pontifici dispensatio super voto perseverantia in dicta Congregat. Neapolitani, & Const. ed. 1728. Jun. P. 4. nonnulla ordinantur pro bono regimine dictæ Congregationis Avenionensis.*

Dat. 28. Sept. 1725. An. 2.

BENEDICTUS PAPA XIII.

*Ad perpetuam rei memoriam.*

Exordium.

**I**lius, cujus ineffabili bonitate, & providentia stant, & reguntur universa, vices, licet immeriti, gerentes in terris, ad ea peculiare vigilantia nostræ curas, propensissima charitate convertimus, quæ felici, prosperoque statui, & regimini Congregationum piorum Virorum propriæ, alienæque saluti laudabiliter incumbendum, ac uberes bonorum operum fructus, aspirante Divina gratia proferre jugiter satagendum, conducibilia fore in Domino arbitramur.

Causæ præfentis Constitutionis.

§. 1. Cum itaque, dum Cardinalatus honore fungebamur, sapius Nobis cum animo reputarem, quod si Congregatio Clericorum Secularium Doctrinæ Christianæ, quæ in Regno Neapolis consistit, ne mediocriter aliquot abhinc annis, aucta, & propagata dignoscitur, alteri ejusdem nominis, & Instituti Congregationi, in Civitate Avenionensi existenti uniretur, ambæque Congregationes hujusmodi in unum corpus jungerentur, non modicum inde utraque Congregatio, illiusque commune Institutum susciperet incrementum, & inter ipsarum Congregationum professores, charitatis, aliarumque virtutum studia, magis magisque in dies florerent, & vigerent; Ac proinde ubi primum Apostolatus apicem conscendimus, hanc unionem, quam etiam Republicæ Christianæ proficuum fore, non immerito speramus, promovendum duxerimus.

Unio prædictæ Congregationis cum ejusdem Provinciarum divisione.

§. 2. Hinc est, quod Nos ex Pastoralis Officii nostri debito, earumdem Congregationum (quarum etiam expressus ad id accessit consensus) felici statui, & commodis salubriter, quantum Nobis ex Alto conceditur, providere cupientes, Motu proprio, & ex certa scientia, ac matura deliberatione Nostri, deque Apostolicæ potestatis plenitudine, dictam Congregationem Clericorum Sæcularium Doctrinæ Christianæ in Regno

Neapolis consistentem, alteri eorumdem Clericorum Sæcularium Congregationi in præfata Civitate Avenionensi institutæ, harum serie perpetuo unimus, & incorporamus, itaut ex nunc, & in posterum unica sit, ac esse censeatur Congregatio, quæ Clericorum Sæcularium Doctrinæ Christianæ Avenionensis nuncupetur, unumque corpus efficiat, ac Regulas, & Constitutiones Congregationis in dicta Civitate Avenionensi institutæ a Sede Apostolica approbatas, exacte observet; Volentes, ut hæc unica Congregatio ex Provinciis Romana, Avenionensi, Tolosana, & Parisiensi constituatur, ipsique Provinciæ Romanæ, ultra Seminaria Spoletanum, & Mevanicæ, subsint Collegia Civitatis Vetulæ, Roncillonis, Sancti Martini, Ferentilli, Neapolitan. Lauretan., Sorbi, Sancti Joannis in Galdo, & Sertæ, necnon Sospitelli, & Ipporegiæ in Ducatu Sabaudia, seu Principatu Pedemontii, quæ a Provincia Avenionensi in perpetuum dismembramus, ac illa, & si quæ alia citra Montes quædam erigentur, dictæ Provinciæ Romanæ attribuimus; cætera autem Collegia in Civitatibus, Oppidis, Terris, Castris, Villis, & Locis universi Status nostri Avenionensis, & Comitatus Venaynsini, ac Regni Galliarum, seu alibi ultra Montes erecta, seu erigenda, præfatis Provinciis Avenionensi, Tolosana, & Parisiensi respective subiaceant.

§. 3. Quoniam vero Præpositus Generalis dictæ Congregationis Avenionensis, in Civitate Avenionensi, vel Parisiensi, ut plurimum residet, in Capitulo Generali semper eligatur unus de Provincia Romana in Vicarium Generalem ejusdem Provinciæ Romanæ, qui vocem activam, & passivam in Capitulis tum Generalibus, tum Provincialibus obtineat, cuique nova Collegia instituendi, aliæque pro bono dictæ Provinciæ regimine faciendi, ac gerendi opportuna, a prædicto Præposito Generali facultates attribuantur, statuentes quod Provincialia quolibet triennio, Mense Septembri, vel Octobri, generalia vero Capitula, de sexennio in sexennium, Mense Maio, vel Junio in Locis, & Collegiis per Præpositum Generalem pro tempore existentem discrete, ac rationabiliter indicendis, celebrentur. Ad parcendum autem sumptibus, quibus præfata Provincia Romana modo impar esse noscitur, dilectos Filios Cajetanum Cioffum, qui prædictæ Congregationis Regni Neapolis Præpositus Generalis existebat, in Vicarium Generalem dictæ Provinciæ Romanæ, ac Dominicum Borigionem modernum supradicti Collegii Sospitelli Rectorem in Assistentem Generalem ipsius Congregationis Avenionensis, usque ad Mensem Majum, aut Junium anni 1729., quo Capitulum generale celebrari debet, necnon Joannem Massieram, qui munere Procuratoris Generalis præfate Congregationis in Civitate Avenionensi institutæ hætenus functus fuit, in Superiorem Provinciale ejusdem Provinciæ Romanæ usque ad Mensem Septembrem, vel Octobrem prædicti Anni 1729., quo tempore Capitulum Provinciale celebrandum erit, ex nunc constituimus, ac deputamus, ipsisque Cajetano, & Joanni, eorumque in Vicariatu Generali, & Provincialatu hujusmodi Successoribus, duplex votum, seu suffragium in Capitulis generalibus concedimus, donec tamen dicta Provincia Romana expensis pro Discretis ad hujusmodi Capitula mittendis facere possit, in quibus tunc Vicarius Generalis, & Superior Provincialis unicum suffragium ferent; ac dicto Dominico similiter votum in proximo futuro Capitulo generali, ad instar aliorum d. Congregationis Avenionensis Assistentium Generalium competat; mandamus quoque eisdem Cajetano, Joanni, & Dominico, quatenus ipsi, & altero eorum deficiente, vel impedito, alius Clericus Secula-

Statuuntur nonnulla pro recto. & utili ejusdem regimine.



ris ejusdem Provinciæ Romanæ, per superflites ex eis, aut minime impeditos, in illius locum subrogandus, ac duo Consiliarii de dicta Provinciâ per eos assumendi, infra biennium infimul convenient, & per secreta suffragia eligant Superiores Locales Collegiorum dictæ Provinciæ Rectores nuncupandos, qui in officio durare debeant usque ad proxime futurum Capitulum Provinciale anno 1729., sicut præmittitur, celebrandum, ad quod Rectores dictorum Collegiorum Sospitelli, & Hipporegiæ propter nimiam eorum a reliquis ejusdem Provinciæ Collegiis distantiam accedere minime teneantur, sed sua suffragia alicui ex eis, qui præfato Capitulo Provinciali intervenient, aut etiam si ita eis videbitur pro tempore existenti Vicario Generali committere ipsis licebit.

Nonnulla privilegia eidem confirmantur, & conceduntur.

§. 4. Porro eidem Congregationi per præsentem unionem ex duabus in unam coalescenti, ejusque Domibus, Collegiis, & locis, ac Superioribus, Clericis Secularibus, & personis quibuscumque, ut omnibus, & singulis privilegiis, gratis, immunitatibus, exemptionibus, Indultis, tam temporalibus, quam spiritualibus præminentibus, prærogativis, honoribus, & favoribus hæcenus a Romanis Pontificibus Prædecessoribus, & Sede Apostolica cuilibet ex memoratis duabus Congregationibus quovis modo, & qualitercumque concessis, quæ quatenus opus sit per præsentem approbamus, & confirmamus, ac denuo concedimus, uti, frui, potiri, & gaudere, illius vero Clericis, ut eorum pium, ac laudabile Institutum exercere, sacras Missiones peragere, Congregationes, Scholas, & Academiâs aperire, Juventutem in Literarum Studiis, ac disciplinis, præsertim juxta S. Thomæ Aquinatis doctrinam instruere, de Ordinariis licentia Christianissimorum confessiones exipere, aliaque Ecclesiæ Sacramenta administrare, Verbum Dei prædicare, nova Collegia, novaque Ecclesias, ubi requisiti, ac recepti fuerint, extruere, instituire, & in eorum Ecclesiis, quas de præsentibus habent, ac in posterum eos habere contigerit, Defunctorum Cadavera sepelire, & funera celebrare, sine tamen Jurium Parochialium præjudicio libere, & licite possint, & valeant, motu, scientia, & potestatis plenitudine paribus earundem tenore præsentium concedimus & indulgemus. Præterea in eorumdem Clericorum Secularium Domibus, & Collegiis unum, vel plura Oratoria privata, seu interiora Capellam tam ad eorum, quam Domesticorum, Convictorum, Scholarium, aliarumque personarum, etiam ad Congregationes, & Conferentias spirituales convenientium usum erigendi inibi Sacrosanctum Missæ Sacrificium, etiam in festis solemnibus celebrandi, ac Pœnitentiæ, & Eucharistiæ Sacramenta eidem Clericis, Domesticis, Convictoribus, Scholaribus, aliisque personis præfatis administrandi, excepto tamen quoad Scholares, & ad Congregationes, & conferentias hujusmodi convenientes communionem Paschali; necnon Clericis prædictis ubicumque ejusdem Congregationis Collegia de præsentibus instituta reperiuntur, & deinceps instituentur, etiam absque alia Ordinariorum locorum licentia libere quæstuidi, dummodo a suis Præposito, vel Vicario Generali, seu Superioribus Provincialibus, aut Rectoribus respective ad id missi, seu destinati fuerint, ipsique Præposito, & Vicario Generalibus, Superioribus, Provincialibus, & Rectoribus aliquot ex dicta Congregatione Presbyteros Viros probos, prudentes, & idoneos ad audiendas Presbyterorum, Clericorum, & aliarum personarum prædictæ Congregationis, Domesticorum quoque familiarium, & inservientium, ac Convictorum, Scholarium, & in eisdem Domibus, vel Collegiis commorantium confessiones deputan-

di, cum facultate eos etiam a censuris Ecclesiasticis occultis tamen, & Romano Pontifici, aut Sedi Apostolicæ minime reservatis in foro conscientie tantum absolvendi; atque eisdem Præposito, Vicario, Generalibus, Superioribus, Provincialibus, ac etiam Rectoribus in illis Collegiis, seu Domibus, in quibus Superiores majores non aderunt, quæcumque vasa, vestimenta, paramenta, & ornamenta Ecclesiastica, aliaque ad Divinum cultum pro servitio Ecclesiarum ejusdem Congregationis dumtaxat necessaria, & pertinentia, exceptis tamen iis, in quibus Sacra unctio adhibenda erit, benedicendi simplicibusque Clericis, quos Sacris Ecclesiarum, Oratoriorum, seu Capellarum dictæ Congregationis præfici contigerit, vasa sacra absque ullo conscientie scrupulo contraferendi licentiam, & facultatem tribuimus, & impertimur.

§. 5. Adhuc volentes Ecclesias dictæ Congregationis nunc erectas, ac in posterum erigendas speciali dono illustrare, quod quodcumque Sacerdos aliquis ejusdem Congregationis, seu alius secularis, vel cujusvis Ordinis Regularis Missam Defunctorum pro anima cujuscumque Christianissimæ, quæ Deo in Charitate conjuncta ab hac luce migraverit, ad Altare majus alicujus ex dictis Ecclesiis celebrabit, anima ipsa de Thesoro Ecclesiæ per modum suffragii Indulgentiam consequatur, itant Domini Nostri Jesu Christi, ac Beatissimæ Virginis Mariæ, Sanctorumque meritis sibi suffragari, a Purgatorii pœnis liberetur; ac tam ipsis Clericis Secularibus, aliisque dictæ Congregationis personis, quam universis Christianissimis vere pœnitentibus, & confessis, ac Sacra Communionem refectis, qui aliquam ex prædictis Ecclesiis die festo illius Sancti Titularis, sive Patroni a primis Vesperis usque ad occasum Solis diei hujusmodi singulis annis devote visitaverint, & ibi pro Christianorum Principum concordia, Hæresum extirpatione, ac S. Matris Ecclesiæ exaltatione pias ad Deum preces effuderint, plenariam; dictisque Clericis Secularibus nunc, & pro tempore existentibus similiter pœnitentibus, & confessis, ac Sacra Communionem refectis, qui in aliqua ex dictis Ecclesiis die 15. Aprilis cujuslibet anni, qua die vota sua renovare consueverunt, ut præfertur oraverint, pariter plenariam. Insuper eidem Clericis Secularibus, qui exercitia Spiritualia, & Sacras Missiones per aliquot dierum spatium peregerint necnon Christianissimis, qui dictis exercitiis spiritualibus vacaverint, & ad quos dicti Clerici Missionarii accesserint, & interea vere quoque pœnitentes, & confessi Sanctissimum Eucharistiæ Sacramentum sumpserint, & sicut præmittitur, oraverint, similiter plenariam una vice dumtaxat durante tempore exercitiorum, & uniuscujusque Missionis hujusmodi omnium peccatorum suorum Indulgentiam, & remissionem misericorditer in Domino concedimus; ipsique Clericis in actu Missionum vota quæcumque simplicia castitatis, ingressus Religionis, visitationis sepulchri Dominici, Liminum Apostolorum, ac Sancti Jacobi Compostellæ exceptis, commutandi, & in fine cujuslibet Missionis Christianissimis, ad quos accesserint nostram, & Apostolicam benedictionem impertiendi potestatem tribuimus, & facultatem præsentibus perpetuis futuris temporibus valituris.

§. 6. Decernentes eisdem præsentibus literas, & in eis contenta quæcumque, etiam ex eo, quod quilibet in præmissis, seu eorum aliquo, Jus, vel interesse habentes, seu habere quomodolibet prætendentes, cujusvis status, gradus, præminentie, superioritatis, ordinis, conditionis, vel dignitatis existant, etiam Cardinalatus honore fulgeant, aut alia quavis Ecclesiastica, vel mundana dignitate præditi, seu alias speciali, & individua mentione, & expressione

Indulgentie peculiares in eisdem Ecclesiis conceduntur, aliaque Clericis prædictæ Congregationis tribuantur.

Claufulæ peculiare.



digni sint, illis non consenserint, aut ad ea vocati, citati, & auditi, seu causæ propter quas presentes emanarunt adductæ, verificatæ, & sufficienter, aut nullo modo justificatæ fuerint, vel ex alia quacumque quantumvis iusta, iuridica, pia, & privilegiata causa, occasione, colore, ingenio, prætextu, & capite etiam in corpore Juris clauso, etiam enormis, enormissimæ, & totalis læsionis nullo unquam tempore de subreptionis, vel obreptionis, aut nullitatis vitio, vel intentionis nostræ, seu Jus, vel interesse habentium, seu habere prætendentium consensus, alioque quovis quantumlibet magno, formali, substantiali, ac incogitato, & inexcogitabili, necessarioque, & specificam expressionem requirente defectu notari, infringi, impugnari, retractari, limitari, modificari, in controversiam vocari, aut ad terminos Juris reduci, seu adversus illas, & illa aperiitionis oris, restitutionis in integrum, aliudve quodcumque Juris, facti, vel gratiæ remedium impetrari, vel intentari, aut impetrato, vel etiam motu, scientia, & potestatis plenitudine similibus concessio, vel emanato quæpiam in Judicio, vel extra illud uti, seu se jurare posse, neque ipsas præsentis literas sub quibusvis similibus, vel dissimilibus unionum, conjunctionum, Statutorum, Ordinationum, Concessionum, & Indultorum revocationibus, restrictionibus, limitationibus, derogationibus, aliisque contrariis dispositionibus, etiam per Nos, & quoscumque Romanos Pontifices Successores nostros, Sedemque prædictam sub quibuscumque verborum tenoribus, & formis, ac cum quibusvis clausulis, & Decretis, & alias quomodocumque, & quandocumque faciendis unquam comprehendi, & comprehensas censi, sed semper ab illis exceptas, & quoties illæ emanabunt, toties in pristinum, & validissimum statum restitutas, repositas, & plenarie reintegratas, ac etiam de novo sub quacumque posteriori data per eos, ad quos spectat, & pro tempore spectabit, quandocumque eligenda concessas intelligi, semperque, & perpetuo firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit in omnibus, & per omnia plenissime suffragari, & ab illis respective inviolabiliter observari: sicque, & non aliter in præmissis omnibus, & singulis censi, atque ita per quoscumque Judices Ordinarios, Delegatos, etiam Causarum Palatii Apostolici Auditores, ac Sanctæ Romanæ Ecclesiæ Cardinales etiam de latere Legatos, & dict. Sedis Nuncios, aliosve quoslibet quavis auctoritate, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; ac irritum, & inane quidquid secus super his a quocumque quavis auctoritate scienter, vel ignoranter contigerit attentari.

Derogatoria.

§. 7. Non obstantibus præmissis, ac quatenus opus sit de jure quæsito non tollendo, deque unionibus perpetuis committendis ad partes, vocatis quorum interest, & de non concedendis Indulgentiis ad instar, aliisque nostris, & Cancellariæ Apostolicæ Regulis, necnon Lateranen. Concilii uniones perpetuas nisi in casibus a jure permittis fieri prohibentis, ac sel. record. Bonifacii P. P. VIII. Prædecessoris nostri de una, & Concilii generalis de duabus, dummodo ultra tres dietas aliquis auctoritate præsentium ad judicium non trahatur, aliisque Apostolicis, ac in universalibus, Provincialibus Conciliis editis generalibus, vel specialibus Constitutionibus, & Ordinationibus, ac prædictarum Congregationum, & Provinciarum, illorumque Domuum, Collegiorum, & locorum quorumvis, & aliis

quibusvis, etiam juramento, confirmatione Apostolica, vel quavis firmitate alia roboratis statutis, styliis, usibus, & consuetudinibus, etiam immemorabilibus; privilegiis quoque, indultis, & Literis Apostolicis eisdem Congregationibus, seu earum alteri, illarumque, seu alterius earum Superioribus, Clericis Sæcularibus, personis, Domibus, Collegiis, & locis quibuslibet sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis in genere, vel in specie, ac alias in contrarium præmissorum quomodolibet concessis, confirmatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, illorum tenores, causas, formas, & occasiones præsentibus pro plene, & sufficienter expressis, ac de verbo ad verbum nihil penitus omisso insertis, expressis, reservatis, & specificatis habentes, illis alias in suo robore permanens ad præmissorum effectum specialiter, & expresse, ac plenissime derogamus, & derogatum esse volumus, cæterisque contrariis quibuscumque.

§. 8. Volumus autem, ut earundem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Dignitate Ecclesiastica constitutæ munitis, eadem prorsus fides in Judicio, & extra illud ubique adhibeatur, quæ ipsis præsentibus adhiberetur, si forent exhibitæ, vel ostensæ.

Datum Romæ apud S. M. Majorem sub Annulo Piscat. die XXVIII. Sept. MDCCXXV. Pontificatus Nostri Anno Secundo.

Publicatur Concilium Romanum.

Fides habenda transumptis.

*Hoc Romanum Concilium indictum fuit hujus P. Constit. ed. 1724. Decemb. 24. P. 1. & alia Constit. ed. 1725. Mart. 24. P. 1. prorogata fuit celebratio ad diem 15. Aprilis ejusdem anni 1725.*

LXXXIX.

BENEDICTUS PAPA XIII.

Dat. 25. Oct. 1725. An. 2.

*Venerabilibus Fratribus, Dilectisque filiis, Archiepiscopis, Episcopis, & Abbatibus, cæterisque, qui Concilio nostro Romano, nuper a Nobis coacto, & Dei gratia solemniter absoluto, interfuerunt, vel interesse debuerant, salutem, & Apostolicam benedictionem.*

§. 1. Quatuor cum supra centum Romani Nostri Concilii Decreta sub duobus, & triginta Titulis, Decretalium more, disposita, octo inter solemnes Sessiones, mensibus proxime præteritis Aprilis, & Majo, Sacrosancta in Basilica nostra Lateranensi a Nobis cum vestrum omnium conventu, celebratas unanimi consensu lecta, lata, & promulgata fuerint, atque in unum inde collecta volumen, illarum etiam Appendicem referens sanctionum, & Constitutionum quas ejusdem Concilii occasione statuendas judicavimus, cum originalibus jam collata, typis Alma in hac Urbe nostra solite imprimenda curaverimus; illam tandem post quatuor plane menses, in ipsis diligenter, emendateque eudendis insumos, decurrente hoc mense in lucem publicam prodidisse, significamus.

Concilium Romanum prodidisse significatur.

§. 2. Ne vero aliquam super iis, quibus, ut evitentur, vel executioni mandentur, certa ibi tempora præstituantur, quandonam scilicet

Præscribitur dies, a qua omnes Concilii decreta obligentur.